

Ejente ya mbhasiso yi ya ekhoto mayelana no xisa SARS na Vatundzi

Tshwane – 03 Mhawuri 2022 - Vukorhokeri bya Xibalo bya Afrika-Dzonga (SARS) byi lemuka mbonako wa ejente ya mbhasiso na muhehliwa kuloni eKhoto ya Vugevenga bya Mabindzu eDurban hi ti 28 Mawuwani 2022, mayelana na mhaka ya vuxisi lebyi xakelanaka na khasitomo na ekisayizi. Lavambirhi va hehliwile hi ku xisa SARS na titilayente ta vona ku tlula R2 million. Mhaka yi yisiwile emahlweni ku ya eka ti 20 Nhlangua 2022.

Jayson Perumal (43) wa Dynamic Freight na Reshlan Pillay (38) va hehliwile hi nandzu wa vuxisi na mitlulo yo hambanahambana ya Nawu wa Khasitomo na Ekisayizi. Vahehliwa havambirhi va humesiwile hi beyili.

Ku ehleketeleriwa leswaku Reshlan Pillay, mulawuri wa Potenza Capital, na ejente ya mbhasiso, va phurosesile mingheniso ya Khasitomo loko va tirha na Jayson Perumal wa Dynamic Freight, loyi a tirha ku yimela vatundzi vo hambanahambana. Potenza Capital yi hehliwa ku va yi rhumerile matsalwa ma vunwa eka SARS, laha mikoka ya tinhundzu, tinhundzu hi toxo na vuxokoxoko bya vatundzi a swi ri swa vunwa, leswi fikeleriseke eka ku hakeriwa ka mpimohansi wa mixakaxibalo na VAT eka SARS.

SARS ya yi tiva mixaka leyi ya vuxisi naswona yi lava ku tsundzuxa tiejente ta mbhasiso leswaku va ta hlangana na matimba hinkwawo ma nawu loko va khomiwa. Enkarhini wo fana, SARS yi tlhela yi tsakela ku tsundzuxa mani na mani, ngopfungopfu vatundzi leswaku va tivonela loko va tirha na tiejente ta mbhasiso. Va fanele ku lemuka mixakaxibalo na VAT leyi lulameke leyi faneleke ku hakeriwa, no tiyisisa leswaku mitsengo yaleyo yi hakeriwile eka SARS. Hi ku ya hi Nawu wa Khasitomo na Ekisayizi, mutundzi u na vutihlamuleri eka mixakaxibalo na VAT leyi faneleke ku hakeriwa eka SARS.

Vatundzi va fanele va koxa vumbhoni bya tihakelo ta vona eka SARS, leti xakelanaka na mitundzo yin'wana na yin'wana ya vona ku suka eka tiejente ta mbhasiso. SARS yi kumile leswaku tiejente tin'wana ta mbhasiso ti tivisela ehansi hi vomu nkoka wa tinhundzu hikwalomuya ka 90%, hi ku vunwahata matsalwa ma ntundzo. Hambiswiritano, va ehleketeleriwa ku va va koxile mixakaxibalo na VAT leyi lulameke ku suka eka titilayente ta vona, lokohiletlhelo va hakela SARS mpimohansi wa mixakaxibalo na VAT. Tiejente ta mbhasiso kwalaho ti hoxile exikhwameni nsalo, hikwalaho a swi kotisa mipimo ya le hansi ya vukorhokeri bya vona, lokohiletlhelo va xisa SARS na mutundzi havambirhi.

Mutundzi u onhile kambirhi hi ntiyiso, loko SARS yi odita tithiransakixini leti na levhi mayelana na ntsengo lowu lulameke wa VAT na mixakaxibalo leyi faneleke ku hakeriwaka hi mutundzi. SARS yi vilerisiwa hi xikopu xa xikeme lexi, tanihileswi mindzavisiso eka swikimi swo yelana swa nkoka wa mamiliyoni ya Tirhandi swi nga ku lavisisiweni sweswi eGauteng na le Western Cape.

Khomixinara wa SARS Ttn Edward Kieswetter u humeserile ehandle eneriseko wa yena "wa leswaku SARS yi le ku humeleriseni ka xikongomelo xa yona xa kungu xo endla swi nonoha no durha eka lava hlawulaka ku tinghenelerisa eka vugevenga loko va tirhana na SARS. Loko mhaka ya ha ri hansi ka nawu naswona loko swiyimo swa yona swa ha ta kumisisiwa, u engeterile a vula leswaku "swi na nkoka swinene leswaku vatlangaxiave va tirha hi vukheta no tshembheka loko va tirhana na SARS".

Mayelana na vuxokoxoko byo tala, u komberiwa ku tihlanganisa na SARSMedia@sars.gov.za

